

四庫全書

集部

欽定四庫全書

皇清文頴卷九十二

詩

五言排律

瞻仰

盛京宮闕念

祖宗創業艱難恭賦

理密親王允初

祇

命趨遼海崔巍仰

舊宮嚴凝天氣肅盤踞地圖雄念昔開王業乘時奏武功師征方自葛城域又遷豐一劍風塵際三陟

指顧中

神威宣率土求莫協

蒼穹式廓彌增壯維垣遂克崇八門連閫域雙闕柱高空曳珮千官入輸琛百國同兵農旋定制禮樂漸移風爰及純熙介逾看景歷融中原欣奠鼎故里抱遺弓陶

復追家室春陵望鬱蔥星辰咸拱北王氣本從東幸是
餘休渥還令後裔蒙

聖慈垂闡澤

敕遣諭微躬遠歷關山峻來親

祀典隆丕基勞

櫛沐奕葉荷

帡幪松檟靈祇護粉榆社飲通有懷長不寐明發惕淵
衷

賦得萬壑泉消夏千峰翠作秋應

制

莊親王允祿

萬水迴環集千峯次第連披襟實樂矣縱目更悠然翠
寫秋容出清將夏暑捐涼風生密樹爽氣滿遙天仁智
情應洽生成道已宣隨

鑾行幸日俯仰興無邊

鶴

果毅親王允禮

舊號仙人騎蓬山路未岐九臯通碧落一舉到華池宛

轉青鸞舞雍容白鳳儀在陰聲可和警露夜先知入帳
非無術銜珠會有時緇衣誰製作縞袂想風姿食有芝
田粟棲應若木枝鸕凰頻接羽丹穴許同窺

驪山溫泉

果毅親王允禮

西郵來奉使經此古溫泉沸訝陽水渙潛疑陰火然

海賦

陽水不治
陰火潛然

濺波千點雪澈底一泓天可使纖埃淨能教

積滯捐

庾信溫泉碑畧醴泉消疾神水竭疴

神功元一氣靈蹟儼雙仙盪

滌洪鑪翕滄涵銀漢連虛無來素女彷彿遇丁芊

藝林伐山

丁芊祝融女嫁元
冥子為溫泉之神

風珮搖聲細雲鬟照影妍鴻濛浮玉

海漱灩泛珠淵下上華清月

唐溫泉宮又名華清宮

東西繡嶺烟

東繡嶺在驪山右
西繡嶺在驪山左

寶箴張道濟綺語杜樊川宮憶初唐

建名垂貞觀年

扈

駕省農

果毅親王允禮

洛水披圖日弇山紀石時八荒歸

雅化九域莫丕基拓地過隆古觀風舉盛儀

金輿彰順動玉琯叶昌期負弩趨疏勒飛書召郅支塞
雲縈紫蓋邊月映紅旗北陸風霜潔西郊秉穗遺

翠華還上苑

玉輅過東菑止

輦求民瘼迴

鑿問土宜雲鋤紛似織露積簇如坻曠野逢耕耦中田
見秉耜草零藏雉葉桑翳宿鳩枝遂仿三推禮長歌七
月詩

鸞鑣花外駐

玉趾隴邊移照以春臺景暄之黍谷曦何勞先甲戒不
減上辛祈嘉穀來舜布恩膏土脉滋歡呼田叟列忭舞
從臣隨國寶尊農業民天托甸師艱難三古繼訓誡百
齡垂實粟應連畝方苞定兩岐有年賡雅頌無逸著箴
規翠釜羹長滿紅蓮飯可炊蒼黎惟擊壤黃髮喜含飴
蜡臘民無缺羔豚歲有資漫誇封泰嶽却勝宴瑤池
德比神農教

功超保介咨微臣陪扈從濡筆奏雍熙

勵志

果毅親王允禮

若木分枝近銀潢衍派殊清宵

螭陞侍長日鯉庭趨月露飄紅桂天星種白榆含光希
玉璞颺彩羨鵷雛少小惟耽學生平不貴諛惜陰思遠
道愛日勵修途遂恐檀為穀終期石有瑜劬勞思撲斲
誦習在盤盂奧理探心性天倫敬髮膚優游為善樂珍
重不貲軀拂几心偏適調琴意亦愉相期惟傳癖所鄙

只錢愚分陝周公旦裁桐晉叔虞未能同尺寸何敢較
錙銖制作窺神構儀型仰聖模談經秦博士挾策魯諸
儒繡虎雖才俊雕蟲豈壯夫拈詩頻即席問字或趨隅
燕翼欽詒厥鵠原重友于蘿纖依柏直蓬弱賴麻扶天
上恩波濶寰中政教敷

皇仁頻洽浹

帝澤久霑濡德被尋常地風行百億區華萍開舜沼翠
蕙長堯厨海甸頒王瑞河圖告帝符春風人樂愷化雨

物昭蘇殿閣，振衣入郊園。攬轡紆曉風，楊柳眼睛旭。杏
花鬚，膈膊基鳴墅。琤鏐矢插壺，林亭饒逸興。硯几得清
娛，蓬島曾遊未。仙源得似無，竹留餐雪个。松挺傲霜株
扈

蹕千軍動陪

輿七萃呼邊風，調糞馬塞月挽燕孤。雲路三千里天街，
十二衢野雲連草樹。寒日淡烟蕪，秋盡從禽樂。時平教
戰須解絳，搏健鵲舉網。截奔狐事偶陪蒐，狩心常寄典

謨臨書先起草點筆試研朱接要提文柄探元握道樞
不煎冰作水肯買櫝還珠極口篇章共殫心竹素俱情
緣涉世澹貌以苦吟癯直道青松在閒心白鳥孤英賢
如不棄欲繫食場駒

和題西湖韻

和親王弘晝

覽卷懷佳勝名區未許同平湖開瀲灩精舍倚寵從九
夏晴光泛三春瑞氣融雲山浮秀色景物奪天工暮靄
添烘染朝烟倍鬱葱有花皆爛熳無雨亦空濛却勝宜

春苑還過避暑宮中流凌浩渺絕頂歎穹窿波共長天
白霞連夕照紅萬松排嶺面千堞繞湖東孤嶼寒香發
虛亭翠黛籠招提凌碧落岩壁引飛虹鳥噪斜陽外鐘
鳴古木叢葛翁留故跡丹叟有遺風玩月乘輕艇尋芳
跨玉驄往來無俗客傳說到村童白傅長堤上蘇公往
蹟中披圖如已到吟眺興無窮

題西湖畫扇

慎郡王允禧

今識西湖面丹青顧陸同移山來筆底決水入毫中深

處行難盡高原望去通峯頭含暮色林表見春工洲渚
形迴抱樓臺氣鬱葱野雲皆靉靄晴靄半空濛綠桂詩
人宅青蓮釋氏宮長橋羅近遠古塔起穹窿烟旦三潭
白霞分萬嶺紅星龕松幕歷雪竇石玲瓏塢有燒丹叟
亭遲放鶴翁藥窻苔蘚合樵徑薜蘿豐城郭清輝徧村
墟碧樹籠隱聞鐘起寺恍見澗垂虹岫合猿藏壑花深
鳥在叢遊船邀落日客袖得清風嫩草隨芒屨長堤引
玉驄椰瓢分蠟酒蠻榼從山童勝跡神能領奇觀意自

融從來詩畫興對此轉無窮

賦得龍池春草

平郡王福彭

上苑陽和早龍池百卉鮮
萋萋青匝地冉冉碧連天
濃染花梢露輕霏樹杪烟
細叢依曲岸疎影落清泉
色映金階靜陰隨翠荇牽
香塵棲嫩綠芳草鬪新妍

奉

命督修

福陵水法恭紀

平郡王福彭

自天申泰運卜地肇王基佳氣東京壯祥光北極垂
皇圖原鎬洛大業邈幽岐堂構經綸遠勲華建立奇一
成開草昧尺劍定邊陲景命天興漢乾符錄受姬作求
綿世德紹述際昌期長嶺蟠龍脉渾河遶鳳池鼎湖攀
不及弓劍鎮於斯閭闔通霄漢烝嘗峙鼎爨烟霞呈瑞
靄草樹毓靈芝遠岫青羅列遙峰碧透迤紛紛排彩仗
奕奕擁旌麾瀾渺江兼海蒼茫派與支會歸俱有極環
抱更無涯但覺霸源漲微嫵故道移非材膺鉅任

寵命被恩私奉

詔臣初至鳩工力漸施增高雲路統培薄土膏滋曲岸

金堤固圓流璧月窺淪漣澄藻鑑漱灑淨琉璃羣瀆朝

宗日千條一貫時涵泓生厚澤廣大擴宏規垣禁諸星

拱明堂萬馬馳寶城瞻帝闕喬岳奠坤維磴道連層級

松林接茂枝典謨鐫綠字功德矗豐碑黎庶騰歡頌

君王格孝思恪恭承

聖訓樞謁肅朝儀萬世無疆福庥哉燕翼貽

香山

輔國將軍博爾都

萬木鬱蒼蒼迴巒碧照堂雲來山寺暝花覆石門香攀
樹登峯遠穿崖引澗長傍簷藤作壁近水竹為牀清嘯
臨芳甸高吟向大荒彈琴魚鮮聽拂席鳥爭翔塵世渾
相隔身名竟兩忘醉餘幽興劇歸路滿斜陽

福陵陪祀恭紀

張玉書

大漠龍興日邊庭虎步辰白山浮王氣黑水渡真人一
旅璇圖廓千秋景運臻宅都森拱衛卜域湧嶙峋拜手

瞻丹馭攀髯憶紫宸
馮旗師應律籌幄動如神
塞北收
俄頃河東定
浹旬射駕遼
海岸獵兕嫩
江湄駿馬諸藩
贊編珠絕島珍
芳鋤張

聖武嘉植飲

皇仁書契文初炳
耕桑詔屢申
英雄來草澤
廟社闢荆榛
綿叢儀追古
幽風俗舊淳
地寒銀磧雪
人燠翠華春
肇迹垂鴻永
開基翼燕新
衣冠藏石隧
弓劍護霜筠
殷享祠官肅
成功祝史陳
雙峰窺日月
虛殿拱麒麟
蓋代

規模濶數天翊戴均痛餘趨磴下想像屬車塵

昭陵陪祀恭紀

張玉書

玉歷歸

真主禎符際盛期丕承

高廟烈式廓太平基仙馭追應杳神游儼在茲山河垂

睿畧日月仰

天儀開國經綸密當陽雨露滋聲華陳羽衛儉德示茅

茨獻納龍墀引圖書鳳閣披愛賢通燕笑拊卒問瘡痍

訓切投醪事恩深挾纊時兩勤南漢駕頻趨北庭師水
劃熊津濶山迴雁磧奇旌門羅貢賁毳幕擁降旂環島
收唇齒緣邊戍虎羆雕弓臨塞勁鐵馬度遼馳指顧中
原計艱難締造規令模傳寶錄遺範鏤豐碑

先帝羹牆慕

今皇陟降思薦馨浮酎醴展必溢松脂芝草周垣茁春
陰匝殿移五雲回望渺霑灑有餘悲

長至日

上躬祀

南郊恭紀

張英

至日躔南極初陽紀仲冬繡裳添綵線玉琯應黃鐘慶
典同函夏明禋掌秩宗齋宮香霧繞泰時碧雲封視版
臨深殿

親郊出九重霜華迎

翠輦燿火照寒松登降聞

天語堂皇仰

帝容瑤臺

三后配黼帳百神從繭栗燔柴犢星辰護燭龍祠官調
寶瑟舞羽間金鏞一德符穹昊羣僚秉肅雝遙瞻蒼壁
薦共覩紫烟濃

蒙

賜觀

聖製詩集恭紀

張英

聖藻盈綳帙高吟

秘殿清端居因感物幾暇偶怡情字掩三辰麗詞探六
義精含毫當

紫闥結念在蒼生瑞雪歌銀甕華星詠玉衡艱難憐荷
鋪辛苦憶從征句每

臨軒得篇多

駐輦成烟霞邀盼賞巖壑記巡行氣溢河山壯思翻海
岳平規模凌雅頌律呂叶韶龔寶樹千尋直珠光萬斛
傾幸容依

黼席竊許聽金聲日映丹霄近奎懸碧漢明
賜觀恩數重捧讀寸心驚仙露臣同渥卿雲

帝載賡願偕芸閣侶常紀柏梁名

扈從謁

孝陵恭紀

張英

鼎湖龍久去冠劍託幽宮地接東溟日山藏大漠風入
雲浮寶幄跨澗落銀虹

寢殿周廬統園林輦路通關城花自發溫谷水常融松

棟思克德龍門頌禹功千峯爭侍蹕萬嶺儼呼嵩典禮
遵前制經營殫

聖衷望

陵迴玉仗瞻宇却花驄宗伯陳犧象祠官獻稊稌懿親
陪奠竚故老慟遺弓石馬嘶何處寒山夕照中

閱農應

制

陳廷敬

聖作勤三事

天行啟四聰有年惟

帝力無逸即田功桑柘扶鑾輅茅茨駐玉驄
野花穿仗發山翠拂旗空壤繡紛交錯川長
引鬱葱嘉禾方剡剡瑞麥已芄芃鶯度濯
枝雨柳眠吹絮風周原千畝綠漢粟萬箱紅
下濟光明遠高居造化工年華丹禁裏烟景
幔城中粒食增堯乂薰絃倚舜桐九農應送
喜歌舞海隅同

五月十二日

賜觀

聖製南巡詩卷恭紀

陳廷敬

鳳紀天長久

龍飛日正中萬年三月序九叙兩河功典禮虞巡重江

山禹甸雄

帝歌垂睿想民俗入王風翕闢乾坤共鑪錘造化同詞
源方浩瀚元氣益冲融丹笈迴雲篆滄溟散彩虹壁連
還縹緲珠綴自玲瓏香影瑤編動鉛分寶字工鶯花供

御藻雨雪志年豐玉律飄陽管金聲韵嶧桐衢謠歡故
老巷舞走兒童

恩與留題遍榮逾錫命崇道周神理貴物感至和通謨
烈超千古文章達四聰祥雲盈卷帙瑞色上書筒雅頌恢
皇統英華發

聖衷石渠春漱灑藜火曉瞳矐

高厚恩隆遇迂踈愧匪躬併將颺拜意稽首祝蒼穹

禮闈校士得十四韻

陳廷敬

數到掄才地承

恩自

禁林絕移經席仗猶殷屬車音白首冰銜晚青春鎖院
深昔遊思短褐榮路愧華簪銀燭三條盡銅壺午夜侵
苑花應冉冉闌棘自森森簾下經過斷風前語笑沉樓
明金榜月臺轉玉衡參

地麟觀
象臺

屢輟中宵夢回憐倬直

心香凝新繡網寒戀舊綾衾忝竊繁文宇蹉跎細討尋
池邊躡豈鳳書裏穴成蟬典職堪遲暮登賢鬱滯淫不

辭鉤校切有暇得微吟

正月二十七日聞大軍收復成都保寧

午門宣捷恭紀

徐乾學

禁城寒律轉

仙闕斗杓東
冥落過元夕
星迴驗八風
疲民勞

睿慮荒服厓

宸衷妙筭三軍稟
飛書萬里通
威行梁益部
捷奏建章
宮九陌歡呼遍
千官舞蹈同
憶初騷貴
筑未久
沸羌髻

賊隊紛於蟻妖氛黯似雲威孤元灼爍晴旭正瞳矐閩
粵旋歸命涇原敢怙終遊魂餘絕徼逆孽剩狂童王應
猶蟣蝨劉稹本蟻蠊兩川形最險六載寇方訏鎖斷巴
江碧燒殘閣道紅一夫為捍猗七姓作沙蟲井絡天懸
縋彭門地鑿硤鼎魚驕圍圍窟兔走憧憧頻甲環三輔
飛芻過九峻折衝多燕領制勝在重瞳

廟畧神批亢

天威迅發蒙鋒車馳學士

密勅授元戎鳳紙裝縑褭龍文襲錦幪恩踰操玉斧寵
勝錫彤弓乍聽鳴笳鼓俄看掃螭螭先聲拔柵猛奇計
褰氊雄鐵騎重關會金鉦兩道攻葭萌趨閬郡平武向
資中江過嘉陵曲山臨玉壘崇青川開阨塞白水失艤
舫一鼓收緜維崇朝定梓潼鋒驅突陣豕鞭截飲江虹
槁葉迎風墜春冰見覲融前茅排鵲鶴禁旅接羆熊精
甲從天降克渠入地窮長蛇膏劍鏑困獸縛車鉦馬服
真名將龍驤屬上公同時資羽翼一瞬轉飛翬不數岑

吳績休論會艾功壺漿來熨婦歌舞雜巴童畫拆安廬
舍春耕播種間閭應衍衍禾黍漸芄芄此地遭青犢
當年劇亂蓬人家葵井在城邑芋田空荆棘封磐石狐
狸嘯射洪哀絃聽杜宇庾語覓芳窮三紀勞生聚千村
稍鬱葱那堪重躡藉何計慰疲癯驅迫偏荼酷瘡痍切
恻恻生涯愁駭鹿物力歎枯搜泛泛巢林燕嗷嗷叫澤
鴻及茲濡雨露多幸脫樊籠再覩雲中日重甦爨下桐
輜軒將李邵輻蓋擁文翁亂定欣徭息時平祝歲豐支

機披蜀錦釀酒醉郛筒惠化停車鄧威名坐樹馮徑須
開鶴甸不獨剖蠶叢破竹鋒迎刃磨崖柱勒銅

仁聲漸洱海武畧震崆峒玉燭調時序金泥告岱嵩普
天沾潤澤渙號走靈籙受賫咨重譯垂裳達四聰格苗
虞化溥征卮夏勲隆拜手陳詩頌含生仰

化工

官軍收復成都

午門宣捷恭紀

有序

陸 榮

臣聞滇賊弗庭迄茲五稔幽譴既伏顯戮尚稽我
皇上旋轉在中張弛並用六師所臨罔不從風區區西
南徼外之地形同黑子以兵取之易於反掌而猶
竄跡鬼方閉關拒命祇以兩川之險向為賊守也
今斷自

宸衷簡書中勵爪牙之士奉揚

國威分路前驅一乃心力漢中甫下直趨保寧龍安納
欵成都底定軍鋒若飈彼擗盡卷雖漢帝之滅公

孫宋祖之禽孟昶未能如此神速克奏膚功者矣
由是通道西羌順流三峽犄角此寇腹背夾攻料
其游魂惶駭莫遁倘不肉袒歸罪則內變將作必
有梟逆豎之首以獻者臣材質最陋忝竊史官歌
咏之事固其所職也恭聞捷音喜而不寐羣工作
頌何敢後焉敬賦斯篇以紀其盛

黼黻光乾德樞機握弼權金甌完鎖鑰玉斧闢垓埏奪
險軍威振恢紘

廟筭全俄聞三戰捷驟解一方懸
靄淨春霄迥風迴露
布宣火城如待旦

丹詔恍從天咫尺

龍顏喜東西虎拜虔鵷行欣緩步
鳩杖慰華顛漏下闌
鏐啟珂鳴陌炬闌輝輝含譽粲
縵縵慶雲鮮欲紀旂常
績須操翰墨研營初屯大散寇或踞
飛仙呼癸輸頻繹
開丁峽乍穿因糧多得助轉關更
無前士已歡騰飽民
猶効餽牽壺漿斜谷遍扉屨棧江
沿合勢謀猷壯分兵

著數先崇牙踰白水別隊統紅川驍騎排鵝鵠腥波斲
鮪鱸與峯齊積械逐鳥共揚鞭罽縛凌寒度枚啣取勝
偏在和師必克以律閭誠專夾擊雞踪後長驅鹿嶺巔
七盤愁實據八堵疾攻堅不泝岑侯艦還推鄧尉瓊轡
車來重霸枝柵碎任園廳發潼南屋冰漂灌口船刃由
鐵檻接旗至錦屏寨疊雁摧嘹唳潛龍斷蜿蜒馬熟終
受戮譙縱枉同捐奠吐陶階十榆收陝地千非憑聲赫
赫誰復道平平往者羌偕叛盈時罪罔悛竇人隨李特

米賊附劉焉節使甘蒙面書生忍負肩捷佳何弗拒賴
簡總堪憐莫灑瓊瑗血都沾蠻觸涎拓黃驕躍轡黥黑
亂披鬟鍵戶封箕斗棲巢倚劍綿但思嬰阻隘那肯慮
回旋泥坂丸徒守蠶叢繭自纏碣礫籠上住匱匱甑中
眠鑄幣空銅穴徵緡困麴錢酢醅荷葉裹粬救蜜香煎
醉賞遨床宴高援樹閣椽處貪堂鶯樂命冀釜魚延瓜
鋪沉沉霧松州寂寂烟花蜂銷億困估客嘆虛淵杼軸
應停織郢筒也廢傳販樵刪桂種宿莽宅畬田赤岸霞

成縷朱提石似拳遺風渾索寞疲俗倍愚顓裊屐持屨
柄潢池弄棘鋌吠晴紛市犬啼夜滿林鷗逆黨奚難罄
洪流未可湔撓膚殊癰疥惻念此饑瘵幹止將寧汝奸
克詎舍旃固云除惡盡亦謂救焚然折匕申嚴約囊書
載短鞵夏侯輦鼓靜諸葛陣圖圓早切雲霓望名驚瘡
癰痊垂簾人坐肆走輦貨充廩甲枕巴文洗銘梯盛字
鐫置郵歸版籍授鉞選材賢馭聽危崖叱帷經曉郭褰
趣裝携瘦鶴到部飲廉泉扶荔新疏圃蹲鵠舊越阡裁

笑園繪繡造粉靨清漣漑遠資耕鑿祠荒復豆籩蔗畦
苗漸茁鹽井脉相連涪扇澄藍紙撞花換翠鈿竹枝歌
婉婉渝舞足躑躑貢罷璆焦磬神浮杞與梗閭閻馴鼠
雀亭長耻鷹鷄庶矣蘇殘燼期於戒削股元戎能輯衆
左相善籌邊近拊牂牁背遙批棘爨咽燈檠謠易驗篆
板識宜詮筆路通荆蹻秋槎泛漢騫及鋒當賈勇扞圉
絕攀緣計日誅蒙詔環星拱薊燕職方王會月瑞木太
平年感遇羞縻祿趨蹌忝具員朝班裘豹飾俊彥珮蟬

聯互搦湘筠管僉題側理牋韓詩音逼古柳雅句爭妍
伏立容疲蹇麻生挹蕙荃請纓懷嚮往磨盾力拘攣引
領依

宸極抒忱憶廣筵逡巡承暖曝博厚納埃涓采藻蓬萊
苑賡颺謨典篇宓疇宗象畫薰吹拂韶弦始覺寬宵旰
行知即凱還股肱咨爾弼胼胝問于畋

聖武昭桓撥

皇仁溥恤蠲心雖矜僕固法不宥高駢悉剪鴟張翼窮

追豕突跲指碑遑被過繫組諒懲懲于羽苗頑格商奄
洛邑遷圻看馳檄去亟為定昆滇

御試省耕詩

朱彝尊

長樂虬鐘啟端門羽仗排良辰元巳近暄景暮春佳
帝念勤民切羣情望幸皆蘋風吹近遠蘭澤洗氛靈銜
尾中流鷁拳毛內廐騶農輿沾雨露俞騎束鞞沙柳
津亭岸山松驛路脾西疇一以望東作此時偕于耜分
原上提筐饁水涯杏花殷似火菖葉小於釵巷靜錫簫

市烟低土銼柴倉庚飛習習布穀語喈喈樂事紆

乾顧豐年協

睿懷歌時成夏諺行處即堯堦帳殿開黃屋人家統翠
厓定知先稼穡力為減徭差吉日宣王禱空同軒后齋
星躔齊北拱聲教已南諧曲渚宜浮洛芳樽迥勝淮
宸遊多悅豫振旅入天街

大駕重幸直北校獵時冬祭後三日恭紀

施閨章

九廟明禋重初冬與氣高停鑒纔盟薦出狩又旌旄組
轡王良馭珠弓羿氏發六龍真逸足三輔舊神臯問寢
紆宸幄于田佩寶刀共知勤部勒豈謂騁遊敖霽日迎
僊仗朱霞炤

御袍合圍熊館破決中虎賁豪野獲窮山谷弦鳴落羽
毛阜雕雲外盡赤豹檻中嗥齒革資軍實豺狼念賊壕
是時求俊乂侍衛繼英髦五柝離宮盛甘泉影筆操計
禽分勇怯講武寓甄陶虞甸爭除道郊圻待獻醪省方

天藻發涉遠

聖躬勞帳殿霜生劍騎營
夜屬橐銃歌簫鼓競宴賞羽
林叨漢主誇宛馬姬書訓旅
葵興朝誰諫獵蓄意忝含毫

湯泉應

制有序

明珠

湯泉在遵化州西北四十里福泉山下寬平半畝
泉水沸出傍有冷泉均其氣候誠養德和神之用

也

上以地近

孝陵頻經臨幸兼奉

太皇太后歲時遊賞建宮其上樸而不華康熙辛酉三

月

駐蹕馬蘭峪

召扈從諸臣觀於溫泉

命臣宣示

上意使得周歷遊眺諸臣懽欣鼓舞咸頌

皇上之孝思儉德規模弘遠足為千百世法乃各賦詩

應

制臣以愚陋不獲賡颺萬一然身際

聖時私願託附不朽勉成二十四韻復序述其事以志

幸焉

御天來鳳輦浴日啟龍池淑景黃圖早朝暉紫幄披落
花綵綵仗初柳拂珠旗野迥紆

皇覽鑾停擁地祇翠巖深窅窳瓊構鬱參差羅磴時留
蹕松門不剪茨方塘含皎鏡文甃淨漣漪却望

陵園近彌深弓劍思山川開麗矚草木得華滋豫悅千
秋洽陽和庶物宜每勤長樂養獨奏廣微詩溜暖春頻
駐波暄律罷吹逾涯涵

帝澤曲逮被臣私並

命觀溫渚相將陟澗湄氣凝漿五色味絕露三危凜節
何由度恩光實在斯赤鱗遊自異錦雁飾奚為瑞已微

靈液祥應頌玉芝遠侔堯德儉只法禹宮卑孝理能馴
鹿仁風遂化鵠撫躬多竊幸好爵久相縻喜共清泉挹
如從丹洞窺濯磨欣有賜調燮愧無奇願託潺湲水年
年奉

聖慈

湯泉應

制有序

杜臻

臣聞水火者陰陽之精陽得質而陰得氣為涼為

燄陰得質而陽得氣為泉為湯則湯泉者實炎潤
之相資為坎離之既濟包含元氣保合太和由來
尚矣遵化州西北四十里福泉之山湯泉出焉甃
石為池方平如鑑不火而燠遇寒而溫色白鉛溪
泛珍珠而成串烟青銅浦注甘露以揚芬噴薄則
魚目虎鬚流膏則醴泉玉液蠲疴益壽厥功茂焉
皇上問安視膳既無間於
宮闈養志承顏更時深於

巡幸以茲泉之潤可以致遐齡茲土之宜可以適

聖體乃營別館特繕瑤池暄波迴繞於曲阿淑氣充周

乎

清禁爰游爰止攸躋攸寧洵尊養之獨至者矣且也山

連昌瑞地接

寢園冀北漁陽則

神京之左輔焉石門蘭峪則

孝陵之近郊焉

皇上感霜露之淒清肅烝嘗於裸獻松楸在望經隧道
以愴懷弓劍當年憶

龍髯而雪涕齊明盛服沐浴華池又孝思之獨切者也
况制崇淳樸境遠塵囂不剪茅茨仿唐堯之儉德
無煩輪奐儼夏禹之卑宮豈比夫曲水昆明侈陳
宴飲華清興慶徒事遊觀已哉歲次重光月臨姑

洗臣等恭承

嘉命仰忝谷而生春跪聽

溫綸挹

恩波於在藻徘徊青駛盥漱芳馨濡毫乏庾信之文授
簡愧傳成之句不揣蕪陋莫罄揄揚有

詔賦詩凡二十有二人臣臻敬賦五言排體一章其辭
云

勝蹟開溫谷名山滙福泉坤輿畿輔拱王氣

寢園連溜暖春常在波暄火似然琉璃園石甃蛺蝶落
金錢鏡澈空明月珠浮淡泞淵丹砂中蘊地赤道上經

天難老宜眉壽長生駐倭佗延齡功獨盛濟物理仍全
聖主晨昏切

慈闈定省專有時移

鳳輦別館下雲旃神女調香液瑤階遶瑞烟鶯歌臨水
處花笑舞觴前

帝孝真無極

皇情更自帝瞻依

橋嶺近悽愴玉衣懸裏露懷松柏惟馨肅豆籩

宸遊非逸豫孺慕幾迴旋不改宮垣舊還除粉繪妍芳
規誠卓越儉德永流傳竊愧清班忝俄承

睿旨宣彈冠齊袂濯晞髮愛潺湲快覩氤氲色欣逢景
慶年滇池安鼎沸瘴海罷樓船澤潤垂千葉風和被八
埏

湛恩霑既渥染翰効微涓

湯泉應

制

沈荃

紫塞風雲壯黃圖禁籞長

鑾輿臨薊甸羽衛警漁陽
蘭峪嚴關矗湯泉遠岫蒼神
皋原峻拔瑞靄自廻翔

特詔觀仙液連鑣度碧岡
遙瞻烟靄近聽玉鏘鏘
鑑入千峯翠霞蒸五色光
噴珠紛上下舞蝶宛中央
焦釜流波灼丹砂著體香
甘宜頻盥漱潔可坐徜徉
古院棲幽勝穹碑仰焜煌
有懷探岫屢無句續琳瑯
載繹

天言重彌欽

聖孝彰晨昏勤定省左右適溫涼暖谷疑調鼎瑤池儼
奉觴延齡輕玉醴却病勝神漿允矣

重闈慶休哉

景祚昌林巒森並列

陵寢鬱相望黯黯松楸迥依依弓劍藏豈因供眺望庶
以肅烝嘗甃石渾仍舊繚垣不改常茨階昭撲質館宇
誠雕牆

儉德超三古

仁心訖萬方如天真協帝又日更師湯祓濯蠲民慝涵
濡裕物康洗兵蛟海外染翰鳳池傍下濟簪裾洽來歌
采藻揚

豫游行補助賡拜繼明良汾水寧誇漢驪山直陋唐靈
源叨寓目盛事耿難忘

皇清文頴卷九十二

欽定四庫全書

集部

皇清文頴卷九十三
四

詳校官檢討_臣朱依炘

主事銜_臣徐以坤覆勘

覆校官中書_臣田尹衡

校對官中書_臣王鍾泰

謄錄監生_臣周元濬

欽定四庫全書

皇清文頴卷九十三

詩

五言排律

瀛臺

賜宴恭紀

孫在豐

皇建咸歸極時乘用御天龍飛春二十鷺序俊三千作
觀風雲際光華日月邊衣裳垂治理廊廟重材賢懸象

輝雙闕敷文蓋八埏當陽陳玉醴惟月麗星躔燕喜趨
朝列鴻恩布廣筵

帝心惟懋賞臣職作恭先休沐時無暇訏謨定有年羣
氛經滌盪率土正陶甄萬國車書會三農稼穡屢經旬
馳羽檄是處靜戈鋌閩海鯨鯢息炎州翡翠鮮昆明收
水戰南詔渡瀘船雨洗枕椰樹風清玳笮烟來庭誠恐
後決勝氣無前捲甲標銅柱持衡在玉璫安邊思永輯
修內實維虔易繫雲天象詩歌湛露篇西池三島曲北

斗五雲連縹緲蓬山上空濛瀛水凝彩虹橋作帶青雀棹
鳴舷映旭雕梳秀因風翠荇牽綠盈依岸葦紅露早秋
蓮魚沫潛遊泳鷗波覺靜便劍蒲分翠鏐盤芡簇花鈿
靈沼容投釣丹邱可得荃那居歌在藻於牧躍于淵狎
餌紅鰓鯽吞鉤縮項鰻汀蘆風颭颭沙草碧芊芊拂地
垂絲繞圍塘匝樹圓梧應棲鳳鳥叢合待鷹鷂爽氣吹
竽籟芳聲弄管絃悠揚看舞蝶空濶見飛鷺矯矯晴雲
翼潺潺碧澗泉依枝思翺羽抱葉薄寒蟬綠樹紅樓見

銀河綺構縣臺迎積翠色亭結望雲椽似水臣心切如綸
帝語傳無欺身可致匪懈志同堅庶績成熙載羣工尚
勉旃鵷行齊拜舞魚貫就班聯宣勸飛觴急排當列鼎
駢八珍充綺席六膳溢嘉籩淪鳳行庖俎烹鮮有鮪鱸
鹽梅羹入口蘭蕙氣流涎既飽

天顏喜無歸

玉旨宣百壺留燕笑四座少拘攣鵲尾樽重泛龍團茗
載煎青磁含雪瑩官果作花鐫成禮威儀肅忘形逸興

遡上闌珠斗直午夜玉繩偏一吸川方至交酬坐屢遷
德將情燕衍儀一袞褊褊當世逢堯舜前身豈偓佺駕
非天上駟臣是酒中仙逐隊隨珠轡無能受玉鞭嘗美
知異味在筍省多慙枉掃三錢筆虛摹十樣箋步隨青
瑱出身向紫霄旋

賜綺逾華袞承筐壓錦韉恩常叨疊被忠欲效微涓報
國文章爾循躬職分然眷隆心耿耿才薄意戔戔青漸
弢弓矢黃圖廣幅幘精微成典誥法象得坤乾白璧休

悲楚黃金已築燕化馳神若駿道重直如弦無逸思求
瘼幽風繹獻豳野應多滯穗民用即康田疾苦時為軫
租庸半賜蠲猗歟賁草木沃若潤山川馮翼卷阿什貞
元河洛詮明良欣一德王道自平平

乾清宮

御試紀

恩

彭孫適

軒后垂裳日姬王脫劍年貞符彌宇宙廣澤浹垓埏問

俗因巡岱勤民為濬川自然成帶礪仍此沛雲天祖調
頻寬復煩苛盡滌蠲崇儒還釋奠重道必興賢萬里漸
文教羣材入化甄克知需藻鏡並命集花輒共仰冰衡
朗重蒙

玉勅宣入門徒跼踖俟屢敢遷延授簡螭坳上摘毫鳳
宸前繽紛披彩仗清切近

彤筵繡械承蒿柱文棟拂蕙櫺玲瓏珠綴遶錯落綺疏
圓

聖德覲恭儉

宸居挹靜便詎湏同禹室終未改堯楹太素規模遠初
春氣候先韶光空際轉淑景午餘妍寒色銷蘭路晴暉
散柳躔瑞雲叢捧日芳樹淡籠烟細靄霑衣重流霞染
案鮮筆牀紅窈窕硯沼碧淪漣百和研香麝雙番擘粉
牋移時宮漏下薄暝禁鐘傳殿隱鴛鴦毳簾垂翡翠錢
露浮棲爵外風定相烏邊紫篆春長潤丹雘夕更然從
容

天語懌稠疊

主恩偏瓊茗教承飲珍肴出

賜籩屬厭情自飫消渴病應痊祇愧微才劣難窺

睿學全讀書窮閭輿論史破拘牽華黍吹笙遍青壇薦
璧虔未能探海嶽空自守蹄筌霄漢三宸麗璿璣七曜
懸人人垂眷渥一一別丹鉛細似抽絲繭明如燭蕊淵
大鈞無枉互朽質有雕鐫叨被誠深矣鑽摩庶勉旃葵
心雖荏苒匪石亦長堅

乾清宮

御試紀

恩

喬萊

咫尺瞻

丹宸深嚴歷

紫宮網軒迎嚴日複道屬長虹瑞結階前菌香飄仗外
楓綺疏迴窈窕珠戶照玲瓏寒逐千門斂春還萬象融
堯莫生次第漢柳隔溟濛寶鴨晴烟度銀虬晝刻通特

教連佩入更許劈箋同注硯金莖露披襟

玉座風千秋開學府三策佇文雄虎觀讐今古龍門冠
始終探搜殊草草敷奏敢匆匆
裴兒移窗綠蘭燈吐壁
紅從容聞

睿語優禮出

宸衷拜手螭頭下銜

恩豹尾中香茶神鼎沸法膳大官充梓杞宜清廟駕駘
亦錦幪幾年慙刻鵠今日進雕蟲甲乙

天題濕雲霞

寶翰籠願言文報

國珥筆贊成功

西域貢獅子紀事

秦松齡

絕域來王會奇毛獻鳳城上林生氣色薄海兆昇平扶
拔原同類狡獬只異名含章資土德受性本金精隅目
懸雙鏡修毫利五兵力堪摧猛兇心欲掣長鯨歎飲干
山氣梯航萬里情藏鋒隨綵仗斂吼望丹楹漢代聞修

貢姬王紀遠行來從烏弋重養傍玉津榮表瑞遊東海
乘風下太清形標林邑戰樂譜教坊聲舊史寧頻見興
朝自遠呈

賜觀開禁苑圖畫滿神京跡比郊麟美名羞越雉輕象
犀方懾服狐兔敢崢嶸

秘殿揮毫麗盈廷作賦成非珍難得物直鑒小邦誠
聖德真無外

皇威尚有征西鷄與東鰈指顧入蓬瀛

乾清宮

御試紀

恩

彭定求

乾曜瓊霄麗奎文紺宇明賡賜依

聖藻陶鑄切

皇情

秘殿初分牘

璇宮又秉衡

恩同宣室召

寵倍上林行瑞靄開

中禁祥烟儼太清凝神瞻肅穆

垂拱仰昇平松棟雲方縵虹梁景正晴
丹書呈有象銅漏聽無聲
綳帙窮三篋瑤函富百城
隄靡供內府象管給延英
硯滴蟾蜍潤箋披錦綬生

賜餐皆玉饌啜茗是金莖喜接

天顏霽深叨禮數榮夕香聞麝液宵燭見蓮繁積雪消

金史卷八十三
第九十三
駕瓦春星轉繡甍十年曾釋屣茲日勝登瀛每愧雕蟲
技真慚倚馬名菲葑寧有棄葵藿亦知傾式序隨仙露
傳歌和早鶯願言勤砥礪長此荷裁成

康熙十七年三月

皇上遣侍臣封祀長白山恭紀

吳兆騫

配極神山峻修封

帝命崇金函新建岳玉檢此升中咸秩遵虞典昌期答
漢功星軺瞻二使雲燎視三公戴斗原承北苞祗獨峙

東千年今值

聖萬歲昔聞嵩地接興龍近天開翥鳳雄嵯峨分氣象
竄窳闢鴻濛五時儀還陋三祠禮自同宗裡通肝鬢展
案契昭融圭璧陳緹帟辛駒豁錦幪日華遙合扇雲氣
迴成宮列嶂輝瓊雪雙流亘玉虹壯哉符寶域赫矣麗
璇穹仙靄凝巖紫高霞鏡野紅何須傳縱雉已見永垂
鴻芝朮祥侔岱枌榆祀比豐紫壇三望徧絳節百神通
運喜逢

文命書慙獻所忠

聖皇長有道靈秩慶無窮

喜雨

顏光燾

一氣天人際三時

宵旰中精誠原不隔呼吸自相通雲暗

宮城樹塵清

輦道風

恩流雙闕近澤被四郊同甘液傾盆速陰膏潤物融黍

苗光巍巍麥穗勢
芄芄動植多含態
高低各占叢是誰
司造化真見發羣
蒙浩蕩沾敷土蒼
茫仰太空可能忘
帝力端合慰

皇衷良耜歌周室
靈星紀漢宮歡聲
畿輔外瑞景日華
東

國計時方泰農書
歲屢豐村村歸餉
婦戶戶走樵童共
享盈寧樂難窺發
育功

小臣

慚獻頌拜舞效呼
嵩

嘉禾

頒示羣臣恭紀

謝陳常

綵仗巡方日嘉苗表瑞年地靈從土沃穀熟得天金玉
穗縱橫發金莖左右駢芄芄垂廣陌或或布平田彩逐
雲霞起恩承雨露偏香多迎

翠輦頽秀拂金鞭

行殿禎祥睹康衢歌誦傳會因田畯喜合使從臣宣共
訝龍枝異齊聲鳳藻聯豫遊同夏諺解阜合虞絃

賜酺逾三日蠲租到八埏歸禾應有頌拜舞共堯天

咏葵

湯右曾

少室初分種西川舊得名疏魯傳草木植每傍堦楹霜
後龍珠實春前鴨脚萌四時皆備氣五色競敷榮膩欲
調金粉繁看點絳英勻施朱的的文暎玉晶晶蜀錦俄
裁出吳綾細織成檀心能百結翠萼解雙擎密謝多岐
葉疎緣獨立莖露承深淺盞月映短長縈本自齊姚魏
從教擬杜蘅乍添梅雨潤微颭葛風輕比艾迎門綠如
榴照眼明含薰酬淑序蓄味笔香羹顧此邱園質惟應

筐筍盛所懷丹一寸只向太陽傾

栽竹

湯右曾

碧篠生孤徑幽姿抱一叢春移膏旋動晴種雪初融低
小茆簷稱葱青蘚砌同枝疎常得月葉密暗生風羅戶
森相束窺窓影欲籠靜搖金瑣碎微憂玉玲瓏引蔓朝
縈翠歌花晚亞紅每疑烟幕幕時見雨濛濛底用論千
畝惟須拓半弓不凋思古節特立愛虛中宮徵徐流韻
檀欒漸拂空解苞攢石隙抽筍短牆東粉洗娟娟靜香

流細細通瑯玕雲肆植菌簍貢包充長養資元化栽培
仰歲功龍吟栽嶰谷鳳實下樊桐

無暑清涼行宮即事

法海

漢苑傳三殿唐宮說九成誰知臨紫塞別自有蓬瀛太
谷羣山合高原一水滌地形鍾秀異氣候得和平榛峪
新開館山莊舊

賜名峰竒分向背泉淨俯澄泓就下湖開鏡因高石作
城苑中多釣檻湖外有松棚圖史仍天祿論經邇集英

軒開晴亦潤樓敞雨還明簾幙熏風靜長林赤日清朱
明如素律夏卉似春榮袂服還須試蒲葵不用擎三庚
先降露六月始聞鶯舟比舸舫小車逾步輦輕蜿蜒石
徑轉蝦蟇板橋橫太液來鴻雁芝田馴鹿麋瑤臺蘭蕙
發靈沼芰荷生曲渚遵溫洛嘉魚陋石鯨覆椽惟素瓦
結宇不雕甍座拱巖嵐色窗飛瀑布聲茅茨曾示儉渾
樸想持盈濫擬風人頌慚陪避暑行但欣調玉燭遊豫
際時亨

恩賜筆墨恭紀

張廷玉

職忝文林貴身依

黼座親懷鉛春復夏吮墨暮還晨盡覩瑯嬛秘還分

御案珍彩毫光燦爛烏玉色玢璘栗尾雙枝重松烟萬
杵勻濯宜秋水潔製按歛川真毛穎為秦令陳元本絳
人夢花開五色問價值千緡錦繡函先啟珊瑚架早陳
遠勝雞距健常覺麝香新簪去趨華省磨時選結隣照
形如可鑑運腕若通神青縷何堪數元霜未足倫紀

恩書鳳簡稽古愧龍賓敢說臨池好無勞畫荻頻願隨
惇史後歲歲侍楓宸

恭頌

萬壽無疆詩四首

勵廷儀

皇恩敷率土

聖德儼高天儀象璣衡設齋壇圭璧虔欽承昭秘義奉
若肅真傳七政齊經緯三辰協後先陰陽咸順序寒燠
永無愆玉燭調元化金甌鞏大千麟洲佳氣滿鳳闕瑞

雲聯九域歡情洽霞觴祝億年

列聖留家法

皇衷奉典常顯承功自懋創守道兼長邁古經綸美垂
庥歷數昌鴻圖元鞏固駿業益輝光堂構弘模振羹牆
世德章聲施傳奕禩責貢徧遐荒禮樂貽謀遠和鈞製
作良時雍開景運

聖壽慶無疆

寰宇恩膏普

深宮儉德光履豐心自約守樸道彌彰每念中人產寧
思午夜羊荝茨洵婉美澣濯足傳芳物力偏深惜民勞
詎少忘化原留美利本務重農桑天地開成大

朝廷品節詳盈寧遍四海額手祝

仁皇

九重勤問夜六合仰垂衣拯溺勞頻

駕臨河理

萬幾

親征窮朔漠問俗徧邦畿

行健通元命

秉乾運化機旦明澄

睿慮宵旰念民依奏對遲宮漏

經筵辨曙暉圖疇陳左右象緯晰精微無逸天同壽稱
觥上

禁闈

恭賦千林葉正肥

勵廷儀

夏木千章合歲蒸
蒲禁林光翻犀甲
厚濃罩翠烟深不
畏三庚日能藏百
轉禽靜疑聽夜雨
高始出遙岑葉展
蒲葵扇條抽碧玉
簪望中常鬱鬱行
處自陰陰萬畝垂
嘉蔭長林帶遠音
滋培含

帝澤時有向榮心

勅修萬壽寺告成恭紀

蔣廷錫

淨土長生境天神
護衛成俯臨春澗
澗遙接

御街平殿閣重霄
出旗旛綠樹迎寺
傳天萬壽鐘鑄佛

千名細雨紅塵迥春陽碧瓦晴獅狔裝寶座龍鳳畫丹
楹拜處飄香氣齋時有磬聲柳堤看繫馬竹院坐聞鶯
遊賞皆真趣登臨遠俗情深廊朝日映古木暮烟橫西
去通山徑東來拱

帝京億年燈火盛長向佛前明

十二日

上親射金錢豹恭紀

蔣廷錫

朔塞雲深候南山霧隱年韜文藏白草煥采發寒烟爪

利騰張猛身輕跳躍便志貪全鹿飽路值

六龍旋木葉千林轟塵飛

一騎先出房金鏃疾彎月寶弓圓驚性思拏肉天威易
縛綿奔逃已股慄僵仆見裼穿置負明駝背攜歸行殿
前驚看人聚堵環立衆摩肩鬚勁垂霜潔毫斑帶血鮮
舊曾聞艾葉今始識金錢雪點胷間色風腥口上涎真
堪雄並虎寧止倍於駢孔武羔裘句長楊射獵篇幸隨
豹尾後窺管頌秋田

賦得時雨引和風

呂謙恒

和氣滋寰宇

皇心協化工
渙居承解澤
異命鼓隨風
殊異鳴條烈
旋看潤葉功
飄來萋草偃
膏向黍苗芄
沾灑屏翳御
輕颺少女宮
遙天吹習習
廣陌望濛濛
漸滿三農願
欣占五稼同
涓能添太液
清可扇芳叢
林迥絲猶颺
簾疎響易通
朱明方改律
素顯正流空
披拂如開霧
霏微似發蒙
因知交泰象
萬寶慶年豐

乾隆二年夏四月五月久不雨風霾間作麴麥失收自惟奉職無狀致此愆陽重貽

主上憂日夕負疚內熱如焚

皇帝深慮預防貶食散利蠲租赦罪責已求言一誠所召嘉霏普應六月十三四等日大雨滂沱連綿霑足畿輔遠近亦疊報甘霖高下周徧病中霍然喜賦三十韻用代吾民擊壤云爾

鄂爾泰

聖德先民瘼天心轉歲功鳴簷春布復浹壤晝溟濛氣
合桑林外膏回麥隴中人方書當暑農且望滋豐冉冉
朱陽近蚩蚩赤子惜竭來杲日甚旋與密雲同龍井源
猶伏雷泉潤不通明星瞻有嘒倬漢亘長空田圯龜隣
鼠林烘貉引熊旱魃一名貉熊字能火又熱也黍苗堪堪何堪也萎翳鶉首
正隆蟲巫率雩為禮傷聞痛在

躬懸靴無逸殿減膳未央宮疎網

溫綸下蠲符厚澤隆斡嬰姿老滑慚愧切瘰恫

先是上誠九

卿曾引韓愈中朝大官老於事詎肯感激徒矜嬰
之句慚愧蒼生愛戴心 御製夏日書懷詩也 別勅

留鴉舳中倉出玉種算應防餒在憂似及飢窮象甲迎
仁術占辰叶道冲誠求基夙夜昭格際蒼穹倏忽陰霞
斂霏微曉霧蒙樹飈飛統電池溜薄奔虹接夕鳩呼雨
連晨馬滴驤滂洋看綠縲優渥佇青葱始識微皇極端
須簡

帝裏八荒歸內宅萬寶本精充列職虛調化叅衡負代
工猥承

恩袞袞祇是慮忡忡薦璧沾湯雨和絃被舜風維魚殷
牧夢多稔洽龐鴻未克安愚分何能效大忠天人呼吸

裏悃欵月華東

月華門東偏即
南書房直所

雍正二年

聖駕詣太學恭紀

徐本

聖主垂裳日崇儒禮最先敷文光普被建極道無偏泗
水源流遠尼山統緒綿褒封隆爵秩追祀備絃綏首善
風聲樹成均雅化宣尊師勞

法駕視學列班聯東魯諸生集陽春吉日蠲瑞開冀一
葉暖趁柳初眠銀闌千門曉璿霄萬騎聞卿雲晴護

輦朝旭彩浮旃丹鳳城迢遞青槐市鬱芊上公容振鷺
扈從冕高蟬簪佩迎

鑾肅圭璋執事虔兩楹陳法器八佾應宮懸緹盎金莖
露瓊鑪寶篆烟蒨蕭通肸鬯酌壺達淵泉盥薦孚顒若
羹牆恍見焉講堂

黃幄啟

御座紫微連咫尺

清問敷揚闡妙詮
儀曹持案進祭酒
執經前縹笈
綑文錦瑤函
白玉編治平功有序
精一理徐研德
是新民
本中為作聖傳
庶僚咸陞立羣俊
盡橋園士氣歡無地

緼綸降自天
大官傳

賜食太府出

頒錢俎豆升前哲
冠裳逮後賢
賓興歌邁跡
論秀慶隨肩
兩序增唐舍
三雍廣漢員
凡材蒙雨露
舉世荷陶甄

帝範丹青炳

皇言琬琰鐫儒風弘海宇德教浹垓垓象協三階正時
成六位全璣衡調鳳歷奎壁映龍躔拜舞陪鵷列賡揚
拂彩箋攄辭忱莫罄惟頌萬斯年

入直

南書房恭紀

張廷璐

秘閣深嚴地文窗接

御墀侍臣趨直後中使下簾時鈎砌朝烟散金莖曉露

滋薰鑪珍鵲尾
渠几淨烏皮
紺帙光浮動
瑤函錦陸離
閨瀛仙侶集
宛委異書窺
珠箔香雲繞
銅壺漏點遲
調蘭分法膳
膾鯉出蓬池
細果金盤飭
香杭玉粒吹
魚依靈沼
荇鳥借上林
枝自顧駑駘
質深慚山澤
姿一門恩
愈渥兩世遇
尤奇守拙承
先訓懷迂荷

主知簪毫慚視草
向日願傾葵
鉛槧當清晝
編摩矢寸私
叨陪鵷鷺後
拜首頌

皇慈

皇清文穎卷九十三